

The Electronic Manipulus florum
www.manipulusflorum.com

Mendacium I
cum uariis

Aliud est sub incerto hoc uel illud opinando sentire, aliud est temere affirmare quod nescias. Est enim qui dubie profert mendacium nec mentitur, et est qui ueritatem quam nescit affirmat et mentitur. Nam et ille non quidem quod non est esse, sed se quod credit credere dicit et uerum dicit, eciam si hoc uerum non sit quod credit. Is cum se certum unde certus non est dicit, uerum non dicit, eciam si uerum sit de quo asserit.

Bernardus super Cantica sermone XVII.

Varia in MANUSCRIPTIS (B C M) et in IMPRESSIS (P V¹ V² L¹ L²):

Mendacium I] Mendacium m P V¹ V² L¹ L²; opinando] ber *add. (del. sub lin.)* B; nec] non V¹, et non V² L¹ L²; uerum] est *add. (del. sub lin.)* C; eciam] et P V¹ V² L¹ L²; certus] certum M, est *add. V² L¹ L²; XVII. om. C, XVIII. P V¹ V² L¹ L²*